


# ԳՈՐԾԵԼ Է ԱԿԱԴԵՄԻԱՅԻ ԻՆՔՆԱԳՊԱՆՊԱՆՄԱՆ ԲՆԱԶԴԸ

թյունն ու բուհերի ռեկտորներն են: Ուստի անհանգստություն էր արտահայտվում, որ ակադեմիան շուտով կարող է վերածվել պաշտոնից հեռացածների «հանգստյան տան»:

Խոստովանենք, որ նման վտանգ իսկապես գոյություն ունի, քանի որ վաստակ ունեցող, տաղանդավոր գիտնականներից շատերն ընդհանրապես չէին առաջադրել իրենց թեկնածությունը:

Սակայն, ինչպես ցույց տվեցին դեկտեմբերի 27-28-ի քվեարկության արդյունքները, առաջին ու մանավանդ երկրորդ փուլերում «ջնջվածների» մեծ մասը հենց վերոնշյալ պաշտոնյաներն ու ռեկտորներն էին: Հետեաբար հասարակայնության իրավացի մտահոգությունը հաշվի առնվեց ակադեմիկոսների կամ, ինչպես մեր գրքընկերներն են գրում, «ծերակույտի» կողմից:

Սուբյեկտիվիզմի իսկայական բեռ կա մանավանդ «Առավոտում» լույս տեսած Գոհար Հակոբյանի



զույգ իրապարակումներում, որոնք վերաբերում են հայագիտության ու հասարակական գիտությունների բաժանմունքում տեղի ունեցած քվեարկությանը: Սա ցույց է տալիս, որ հեղինակը բացարձակապես անտեղյակ է ինչպես տեղի ունեցած քվեարկության «հետևախորքին», այնպես էլ

առանձին թեկնածուների ինարավորություններին:

Անշուշտ կարելի է համաձայնել այն դիտարկմանը, որ մի շարք թեկնածուներ, այդ թվում անվանի պատմաբան Բարկեն Հարությունյանը եւ արվեստաբան Լետն Գուգասյանը միանգամայն արժանի էին, բայց չընտրվեցին համապատասխանաբար ԳԱԱ իսկական եւ թղթակից անդամներ: Այո՛, դա այդպես է, բայց հստակ է նաեւ, որ, օրինակ, պատմության գծով թղթակից անդամ է ընտրվել առաջադրված թեկնածուներից լավագույնը՝ Ալբերտ Խառատյանը, արեւելագիտության գծով՝ Ռուբեն Սաֆրաստյանը: Այս ցանկը կարելի է շարունակել...

Իսկ ինչ վերաբերում է նույն պատմության գծով ակադեմիայի իսկական անդամի չընտրվելու փաստին, ապա այստեղ «աշխատել է» չարիքից փոքրագույնի

սկզբունքը, քանզի եթե ակնհայտ հովանավորության պարագայում ընտրվեք առավելագույն ծայեր ստացած ԵՊՀ ռեկտոր Արամ Սիմոնյանը, ապա, ինչպես համոզված պնդում են այդ բնագավառին քաջատեղյակ մասնագետները, դա կլինեք առանց այդ էլ բարդ վիճակում գտնվող պատմական գիտության կործանման սկիզբը: Գրեթե նույն պատկերն է նաեւ տնտեսագիտության ասպարեզում, ուր նույնպես աշխատել է ակադեմիայի «ինքնապահպանման բնագոյը», ինչը միանգամայն բնական է եւ արդարացված:

Երբ ունանք վկայաբերելով չընտրված թեկնածուների մի մասի կարծիքները, փորձում են տպավորություն ստեղծել, թե իբր ակադեմիայի անդամների ու թղթակից անդամների դեկտեմբերի 27-28-ի ընտրություններում տեղի են ունեցել համատարած անարդարություններ, որոնց հետեանքով անցել են անարժանները, ակամայից սկսում ենք մտածել՝ տա այն մեծաթիվ պաշտոնյաների եւ գիտության հետ սոսկ հեռավոր առնչություն ունեցող ռեկտորների պատվերը չէ՞, որոնց իրավացիորեն ջնջել են «ծերակույտի» անդամները:

ՎԱՐԴԱՆ ՊԵՏՐՈՍՅԱՆ